

**СУВАРИК
ИЛИФ!**

5-октябрдиз игитвиллин «Шарвили» эпосдин, гьакI машгур алмиринни пагъливанрин, искусстводин устатрин ва кар алакьдай багъманчийрин ватан тир Ахцегъ район тешкилайдалай инихъ 90 йис тамам жезва. Суварин асул шадвилер Советрин Союздин Игит В.Эмирован тIварунихъ галай паркда кыле фида. Райондин агъалийривай ва мугъманривай хуьрерин майданрал физ жеда. И юкьуз абур хуьруьн майишатдин суьрсетдин ярмаркади, шикилрин выставкайри, машгулардай кьугьунри ва конкурси, гегъенш программадикай ибарат тир концертди гуьзлемешзава. Ина чи жегъил пагъливанар – дуйньядин чемпионар – Жабраил Гьажиевни Анвар Аллагъаров тебрика.

РД-дин АХЦЕГЪ РАЙОНДИН ОБЩЕСТВЕННО-ПОЛИТИЧЕСКИЙ ГАЗЕТ



№40 (8697), жумья

12+

ЩШШШ ДУЪНЪЯ

4-октябрь, 2019-йис. Газет гьафтада садра акъатзава.

Къимет 10 манат

ДАМАХУНИЗ ЛАЙИХЛУ Я



Гьуьрметлу Ахцегъ райондин агъалияр! Играм мугъманар ва юбилейдин шадвилерин иштиракчяр. Къе чна Ахцегъ райондин тарихда лишанлу югъ кьейдзава. Район Дагъустан Республикадин кьурлушда тешкил хъайидалай инихъ 90 йис алатнава. И девирда Ахцегъ район кIвенкIвечибурун жергейриз экъечIна, машгур хъанва. Им зурба пагъливанрин, багъманчийрин, чIехи инсанрин,

тIвар-ван авай духтуррин ва алмирин, бажарагълу артистрин ва кар алакьдай ксарин кьетIен жуьредин кьеб я. Абурукай гьар сада райондин экономика мягъкемаруник ва вилик тухуник аквадай хътин пай кутуна, райондин тIвар машгурна. Къе районэгълийрин рикIер райондин девлетлу тарихдин ва кьенин йикъан цуьк акъуднавай девирдин гьакъиндай дамахдин гьиссерив ацIанва.

Ихтияр це заз вири районэгълийрин, райондин Собранидин, муниципальный райондин администрациядин ва кьилди жуван патай чи райондин агъалийриз и сувар тебрик ийидай. Къуй Ахцегъ районда ислягъвал ва саламатвал хъурай! Адан экономика жележгдани вилик фирай ва ада цуьк акъудрай, цIийи карханаяр ва кIвалахдай алава чкаяр артух хъурай, вири агъалийрин агъваллвални хкаж хъурай. Юбилейди

чаз, сифте нубатда, элкьвена кьулхуь килигдай, район арадал агай рекъикай, адан агалкьунрикай суьгъбетдай мумкинвал гузва.

Вири агъалийри активвилелди ва са мурадихъ рекъе тунвай кIвалах авуналди, райондин властдин органри 90 йисан вахтунда хуьруьн майишатда, халкьдин майишатдин хилера, агъалийрин яшайишдин ва культурадин уьмуьрда еке агалкьунар кьезанмишнава. И девирда районда арадал атанвай тарихдин дегишвилер гьар сада вичел гьиссезава. Районди са шумуд сеферда хуьруьн майишатдин хиле рекорддин нетижаар кьезанмишна. А йисарин машгур багъманчийрин, терекмайрин, фялейрин тIварар кьун кутугнава. Абурун жергеда Социализмдин Зегъметдин Игит Саимат Ферзалиева, Ленинан кьве ордендин сагъиб Межмеддин Ризаев, «Ахтынский» совхоздин машгур бригадирар тир Гьажимегамед Пашаев, Агъ-

аверди Агъаев, Межид Межидов ва хейлин маса производстводин кIвенкIвечяр ава.

Гьам санлай республика ва гьамни район яшайишдин ва экономикадин рекъяй вилик тухунин карда арадал атанвай еке дегишвилерикайни кьейд тавуна жедач. Имни, шаксуз, Владимир Абдуалиевич Васильев Дагъустан Республикадин Кьилин кьуллугъдал атунихъ галаз алакьалу я. Ам са жерге кар алай проектар уьмуьрдиз кечирмишунин кыле акъвазна. Ингъе гьавилай Дагъустанда аквадай хътин дегишвилерни кыле физва. Дагъустанвийрин уьмуьрдин агъваллувал ва ери хкажун республикадин руководство патал кьилин месэла хъанва.

Республикадин Артем Алексеевич Здунов кыле авай Гьукуматди терев хуьналди, Ахцегъ районда са жерге милли проектрин сергьятра аваз ири серенжемар кьилиз акъуднава. Абурун жергеда «На-

бережный» парк аваданламишун, Мукьтадир Айдунбегован багъ реконструкция авун, хуьрерин метлеб авай рекъера кьир цун ава. Алай йисуз райондин больницадин ва Луткунрин школадин эцигунар давамарзава. Гележегда хъийидай са жерге кIвалахар фикирдиз къачунва. Инанмиш я хьи, чна саналди абур садвилин, зегъмет кIанивилин ва дурумлувилин куьмекдалди уьмуьрдиз кечирмишда ва йисандавай-йисуз Ахцегъ район кьвердавай гуьрчегди ва ина яшайиш кьулайди жеда.

Къуй Ахцегъ районда, адан гьар са хизанда руьгъдин чимивили, шадвили ва пакадин йикъах инанмишвили агъавал авурай. Къуй квехъ, шадвилин гьуьрметлу иштиракчяр, чандин мягъкем сагъвал, бахтлувал ва хъсан кьил кутунра еке агалкьунар хъурай! Вахъ экуь жележег хъурай, чи хайи ва пара кIани Ахцегъ район!

«Ахцегъ район» МР-дин кьил О.М.АБДУЛКЕРИМОВ

ДАГЪУСТАДИН БАГЪА КЪАШ

Даш АЛИЕВ

Лугьуда хьи, эгер Дагъустан багъа безек ятIа, Ахцегъ район адан багъа къашарикай сад я. Къадим Ахцегъар виридаз кIанда, адан тамашуниз лайихлу чкайри — гуьзел дагъларин тIебиатдин девлетри инсанар, микънатIисди хьиз, чпел чIугвада. Ина, дагъдин кьве вацI сад-садак какахъзавай чкада, зурба, къакъан

эгечIзавай мергъяматлу, мугъманперес инсанар яшамаш жезва. Ахцегъар, са шакни алачиз, Дагъустандин тарихдинни культурадин ва туриствилин кьилин меркезрикай сад я. 2019-йисан 27-мартдиз РД-дин Гьукуматди республикадин мугъманрин ва агъалийрин арада виридалайни машгурвал авай туриствилин яржунин 12 маршрутдин арада Ахцегъ райондин тIвар гъавайда кьурди туш.

эцигай Жумья мискIин, XIX асирдин кьеле, тарихдин муькъвер, Ахцегърин хуьруьн куьгъне пай, ротонда алай машгур КIелез хев...), жегълиринни машгулардай «Самур» комплексди ва девекъушарин фермади гзаф кьадар мугъманар желъзава.

ЦIийидаказ туькIуьр хъувунвай кьеледин бинедаллаз, яхдиз ва балкIанраллаз Хуьруьгрин тамуз, Шалбуздагъдиз, Кетин дагъдиз, Цуругърин чарчаррал, кас амачиз гадарнавай хуьрериз фидай маршруттар авай зурба музейрин туриствилин комплекс кардик кутаз жеда. Ял ягъунин виридалайни хъсан жуьре — им тIебиатдихъ, чкадин агъалийрин адетрихъ галаз таниш хьун я эхир.

Туризмдиз талукъ кIвалахар вини дережада аваз тешкилнава. Гьа икI, 2014-йисан 25-сентябрдиз «Этно-культурадин туризм ва халкьарин адетар» номинациядай ва «Шарвили — им халкьдин руьгъ я» проектдай Ахцегъ райондиз РД-дин культурадин Министерстводи сад лагъай дережадин диплом гана. 2017-йисан августдиз Дагъустан Республикадин туризмдин ва халкьдин художественный сеняткарвилерин рекъяй Министерстводи муниципалитетра туриствилин кIвалах тешкилунай республикадин сад лагъай конкурс тухвана ва инани Ахцегъ район Кьиблепатан территориальный округда лап хъсанди яз гьисабна. Адалай гуьгъуьнал Дербент ва Мегъарамдхуьруьн районар ала. 2018-йисан ноябрдиз «Агротуризм» номинациядай «Ахцегърин ичерин сувар» проектдай Ахцегъ район сад лагъай чкадал акъатна.

АГЪАЛИЯР КЪАБУЛНА

М.НАРИМАНОВ



Сентябрдин эхирра «Ахцегъ район» МР-дин кьил Осман Абдулкеримова агъалияр нубатдин сеферда къабулна. Райондин дишегълийрин Советдин председател Таира Мегъарамовади муниципалитетдин кьиливай аялар патал гатун сагъламардай ял ягъун, кьугъунардай гъвечи майданар ва аттракционар тешкилун тIалабна.

Ахцегъви Зарина Гъазретова вич кIвалахдал таъминарун патал тIалабун гваз атанвай. Адаз Ахцегърин са школада кIвалах гудайвал хъана. Ахцегъви Людмила Сефербеговадив вичиз чилин участок чара авунин пагахъай тIалабун гвай.

Суфьян Эскендерова Ахцегъа Байрам Алиеван тIварунихъ галай куьчеда токдин шалманар аварийный гьалдиз атанвайвилайкай суьгъбетна. Вири саналди и юкьуз агъалийрин 5 арзадиз килигна. Абурукай гьар сада Осман Магъмудовича арзачияр гъавурда тунва ва талукъ тир кьурлушрин руководителриз тапшуругъар ганва.



дагъларин юкьва инсандин гуьгъуьлар ачух жеда. Ина халкьдин девлетлу тарих къадирлудаказ ва кIанивилелди хуьзвай ва гьакIни маса халкьарин тарихдив ва культурадид гьуьрметдивди

Кудай цин чешмейри (гьамамар, Женияр), музейри, республикадин ва федеральный метлеб авай тарихдин ва архитектурадин памятникри (арабрин миссионер Масламади (Абу Муслим)

ЦАВ МУЪТУЪГЪАРЗАВА

Инсанрихъ цавай лув гудай ашкъи гъамиша авай. Грекрин къадим къисада къейдзавайвал, ватандихъ сугъул хъйи вичихъ цийи шейэр арадал гъунин рекъай еке алакьунар авай Дедала лувар туькьурна, ва хва Икарни галаз, къуш хъиз цавуз хкаж хъана, сифте сеферда лув гана. И тегьерда абур чеб островдал къунвай пачагъ Крит Миносакай азад хъана. Саки 500 йис идалай вилик Леонардо да Винчидин къвалахра лув гудай аппаратрин сифте шикилар пайда хъана...

Цав муьтгьугъарунин рекъай ашкъилу ксар Ахцегъани хъайиди я. Мисал яз, чи хуьрай тир сифте авиаконструктор Зейнидин Магьмудова А.С.Яковлевахъ галаз санал «Як» твар алай конструкторвилин бюро арадал гъана.



туькьурна ва адаз патент къачуна. И жуьредин твар адаз цийи през ухшаммиш тирвилей гана. Надима

устарханада вичин гилералди туькьурна. Идалайни гъейри, ада вичи-вичиз компьютерин моделирование, вертолетар туькьурун хътин ва са жерге маса илимар чирна.

Стхаяр тир Гъашумоври гъазурай умудлу ва са шумуд рекъе ишлемишиз жедай вертолетди МВД-дин ва МЧС-дин векилрин фикир вичел желбнава. Абуруз и машин чпин къвалахда ишлемишиз къанзава. Алай вахтунда Надим Гъашумова вичин стхадихъ галаз санал «Стрекозадин» модель мадни хъсанарунал ва пилот галачир надир дрон арадал гъунал къвалахзава.

Гъашумоврилай тафаватлу яз, Надир ва Назим Алимоври цавун аппаратдин цийи модель туькьурнач. Абуру са мотор алай къезил ва гъаф мурадриз ишлеми-



Баркаллу хва Перин Перинова гъеле алатай асирдин 50-йисара Ахцегъа аэродром ачухна. Къисайрик квай хътин летчик, Советрин Союздин Игит Валентин Эмирович гъевчи ватанни Ахцегъар я. Стхаяр тир Ризван ва Надир Гъашумовар, Надир ва Назим Алимоварни цав муьтгьугъарунин месэлада винидихъ къейднавай ксарин геле аваз фена.

Вичи-вичиз кар чирнавай конструктор Надим Гъашумова 11 йисан крене вичин гилералди 2 касдивай ацукъиз жедай «Стрекоза» вертолетдин хуси модель

и вертолет вичи ахтармишна ва 2016-йисуз ада ам цавуз хкажна. Пешекарри къейдзавайвал, лув гудай и аппаратдин аэродинамикадин са жерге характеристикаяр, конструкторвилин цийивилер, умудлувал дуьньяда чпиз тешпигъ авачир хътин надирбур я. Вичин вертолет туькьурдайла, ахцегъви конструкторди сериядай акъудзавай вертолетрин запчастар ишлемишнавач. Автомашиндин мотордилай ва цапуррилай гъейри, маса вири узеларни деталар ада вичи фикирна ва хуси

шиз жедай «Скайренджер» самолет къватна. Ам Украинада французрин лицензиядай акъудзавайди тир. И самолетни агалкъунралди ахтармишунрай акъатнава ва ам чпел къве мотор алай и жуьредин аппаратрин арада лап хъсан учебный самолет хъиз машгъур хъанва. Сифте сефер яз и самолет алай йисан 21-августдиз Махачкъаладин хуси аэроклубдин аэродромдал цавуз хкаж хъана. Чи бажарагълу авиаконструкторрилай цавун бушлухар желегеда умудлуказ муьтгьугъариз жеридахъ чун умудлу я.

АХЦЕГЪАР – СУВАРИН ЛИБАСДА

Ахцегъ район вичин юбилей къаршила-мишиз гъазур я. Шадвилер 5-октябрдиз къиле тухуда. И лишанлу йикъан гъуьрметдай Ахцегъри суварин либас алукнава. Райондин къилин кучеда «Райондин твар-ван авай инсанар» галерея тешкилнава. Районгъилири

гъар са хиле дерин гел тунва. Адаз гъахълудаказ чехи инсанрин, твар-ван авай духтуррин ва алимрин, бажарагълу артистрин ва кар алакьдай багъманчийрин «къеб» лугъузва. 90 йисан юбилейдин шадвилерин юкъуз чаз вири районгъилияр акваз хуш жеда.



МЕЗЕЛИЯР

Кефсуз халади явашдиз гъаятдин рак ахъайна. Рекъай къевзвай духтур акуна адаз: - Чан диледин, ам вун яни? Ажеб хъана вун инал акуна. Кефияр авач, бала. Заз ви патав духтурханадиз къевз къанзавайди тир.

- Хала, чан хала, къе киш югъни я, зун чарасуз фена къанзавай чкани ава. Вун ислен юкъуз ша ман.

- Ву-ув, ислен юкъу-уз? Ислен йикъалди зун хъсан хъайитла вучда, бала?

Темпел хци цийи ктаб къа-

чунва.

- Вуч ктаб я? – хабар къазва бубади.

- ГъикI алудда кагъулвал? – лугъузва хци. Фена са варз. Бубади мадрикел хкизва:

- Гъан, чир хъанани, темпел, гъикI алуддатла кагъулвал?

- Чида-ач! Гъеле къелна кутьгънавач.

«Пятар» хъиягъунал рикI алай кефчиди къуншидиз лугъузва:

- Ви кефияр авайди хъиз аквадач хъи, вуч хъанва?

- Къил элкъевзва.

- Гъинихъ элкъевзва?

- ГъикI акъвазайтани, къил «Гастрономдихъ» элкъевзва.

Ивидин гъерекат алцумзавай духтурди лугъузва:

- Ви къвалахзавай гъил гъим я?

- За къве гъиливни къвалахзавайди я!

- Йугъ! Вун хътин зарбачи-ярни авайди яни?! Вуч къвалах я вичи?

- Тарашчи я ам, - лугъузва къвалахъ галайда.

Чакъалди минетар ийизва сикIрез: - Къунши, чан аламай верчни гуда, а ви сикIвилдин сир лагъ тун заз.

- ГъикI хъанва, авамдай къазвани?! Сир вав вугайла, закай вучда сикI хъана?!

ШАРВИЛИДИН НЕВЕЯР

2019-йисан июлдиз 17 йиса авай пагъливан Жабраил Гъажиева Азербайжандин хъягънавай командадик кваз Болгариядин меркез Софияда азаддиз къуршахар къунай къиле фейи азаддиз къуршахар къунай акъажунра иштиракна. Финалда Россиядай тир Батырбек Цховребован винел инанмиш гъалибвал къазанмишуналди, адакай (65 кг.) жаванрин арада дуьньядин чемпион хъана.


И мукъвара азаддиз къуршахар къунай къиле фейи Россиядин чемпионатда чи районгъгли Рамазан Ферзалиева 61 килограмм заланвал авай пагъливанрин арада 2-чка къуна.

Таллин шегьерда грекринни римлуйрин жуьреда къуршахар къунай жаванрин арада дуьньядин къвенкъевичвал патал къиле фейи турнирда ахцегъви жегъил пагъливан Анвар Аллагъярова 1-чка къуна ва адакай дуьньядин чемпион хъана.


Чи баркаллу хва, физкультурдин спортдин рекъай РД-дин лайихлу къуллугъчи Къариб Ашуралиева спортдин ветеранрин арада Москвада азаддиз къуршахар къунай къиле фейи акъажунра Новосибирскдай тир дуьньядин чемпион Виктор Тонкихан винел гъалибвал къачуналди, нубатдин 6-сеферда РФ-дин чемпионвилин дережа хвена. Им жегъилриз муаллимдин патай хъсан тарс-чешне я.

Ци июндиз Армениядин меркез Ереванда тухвай кунг-фудай дуьньядин чемпионатда ахцегъви, Россиядин чемпион Алимегъамед Саидова 100 килограммдилай артух заланвал авай пагъливанрин арада гъалибвилин 2-чка ва гимишдин медаль къазанмишна.


Шарвилидин халис невеяр тир и пагъливанриз чна спортдин еке агалкъунар рикIин сидкъидай мубаракзава. Къуй абурукай олимпиадин чемпионар хъурай!



Жабраил Гъажиев



Рамазан Ферзалиев



Анвар Аллагъяров



Къариб Ашуралиев



Алимегъамед Саидов

СУББОТНИК КЪИЛЕ ФЕНА

Юбилейдин серенжемрин сергъятра аваз Ахцегъ районда умуми субботник къиле фена. Гъар са хуьруьн агъалиди райондин субботникда активвилелди иштиракна. Виридан сад тир алахъунралди госидарайрин территорияр, рекъер, памятникар, спортдин зонаяр, инсанар къватI жезвай чкаяр ва гъар са къвалин участок михъна ва къайдадиз хкана. Цуьруьгъулар, перер, верхи кулар гвай районгъилири ам мадни михъи ва гуьрчег авуна.



СУЛЕЙМАН ЭФЕНДИЕВАН ТІВАРУНИХЪ ГАЛАЙ ТУРНИР

Дашдемир ШЕРИФАЛИЕВ

27-29-сентябрдиз Ахцегь райондин 90 йисан юбилейдин серен-жемрин сергытра аваз Ахцегь, А.Гъанневан тварунихъ галай ДЮСШ-дин залда, РСФСР-дин ФК-дин лайихлу работник, азад-диз кюршахар къунайни самбодай СССР-дин спортдин мастер Эфендиев Сулейман Абдурагимовичан гъурметдай Ахцегь райондин регьбер Осман Магьмудович Абдулкеримован призар патал азаддиз кюршахар къунай 2005-2006-йисара дидедиз хъайи жегьилрин арада республикадин дережадин турнир кьиле фена. Адан кьилин судьявал РФ-дин спортдин мастер, бажарагьлу тренер Фейруз Садыхова авуна.

Акъажунра Махачкъала, Каспийск, Избербаш, Дербент, Огни шегьерин, Ахцегь, Дербент, Дахадаев, Докъузпара, Мегьарамдхурун, Къайтагь, Рутул, Сулейман Стальский, Шамильский районрин командайрик кваз 200 дав агакьна жегьил пагьливанри иштиракна. 2015-йисалай тухуз, адетдиндаз элкьенвай и турнирда спортдин ветеран, камаллу агьсакьбал Сулейман Эфендиева вичи, спортдин

Ахпа, акъажунрин официалый пайонин тамадавалзавайди тир райондин культурадин Управленидин начальникдин заместитель Сулейман Сулейманова турнирдин тешкилатчийринни иштиракчийрин тварцел РД-дин Халкъдин Собранидин председатель Хизри Шихсаидова рекье тунвай тебрик келна. Рахунрилай къулухъ турнирдин иштиракчийрин гуьгуьлгевес манидарри хжажна.

Жегьил пагьливанрин арада



рекция РД-дин министрдин заместитель Зайнал Салаутдинова, Ахцегь райондин кьил Осман Абдулкеримова, райсобранидин председатель Абдул-Керим Палчаева, «сельсовет Ахтынский» СП-дин кьил Низами Эфендиева ва маса юлдашри иштиракна.

- Ахцегь зурба пагьливанрин макан я. Гьахьтин пагьливанрин тамам несил арадал гьанвай Сулейман Эфендиева кье яшлу кьилихъни галатун тийижиз, ингье, жегьилар тербияламишзава. Эхиримжи йисара районда спорт, иллаки адан азаддиз кюршахар къунин жуьре активламышуниз чна кьетлен фикир гузва: са шумуд спортмайдан эцигнава, Гъанневан тварунихъ галай спортшкола, школайрин спортзалар ремонтнава, фикирдик къведай йисалай райцентрда члехи спорткомплекс эцигун ква, - турнирдин иштиракчийр тебрик авуналди кьейдна Осман Магьмудовича.

- Эвелимжи нубатда, за кьез жуван ва республикадин руководстводин патай Ахцегь райондин 90 йисан юбилей риклин сидкьидай мубаракзава, къуй кьез гьар са карда еке агалкъунар хьурай! Республикадиндаз элкьенвай и турнирда 13 командади иштиракун, гьелбетда, им эвелимжи нубатда адак кьил кутунвай Сулейман Эфендиеван ва Ахцегь муниципалитетдин регьбер Осман Абдулкеримован лайихлувал я...,- лагьана Зайнал Салаутдинова.

АХЦЕГЪРИН ТАРИФ

АХЦЕГЪАР

Ахцегь ГЪАЖИ

За лугьун Ахцегьрин тегьер,
Шегьеррин султан я и хуьр,
Гьар затлуни гуда бегьер,
Дердинин дарман я и хуьр.

Диндирмишда атай саил,
Квализ гьида ам къуна гьил,
Туьн-хьун гана шадда гуьгуьл,
Кесибриз девран я и хуьр.

Жегьилриз хупI ава камал,
Акун кьене гуьрчег жамал,
Буй яргиз яз, юкъ я шумал,
Вири юн, жаван я и хуьр.

Мубарак шегьердин саягь
Кьуд пад я хьи элкьена багь,
Кланик туьквен, винел утагь,
Вири базарган я и хуьр.

Ахцегьар ава бахтуна,
Беглер хьтин гьар тахтуна,
Гьар са ферзинин вахтуна
Минажат азан я и хуьр.

Кьадим я вун, кьадим я,
Цани вацIа лигим я.
Шарвилидин кьиб я вун,
Игитвал хуьн - деб я ви.

Рухвайрихъ ава сабур,
Рушарихъ ава абур.
Гуьндурдавай гьар са кар,
Яшамишрай Ахцагьар!

Самур вацIун дередин,
Марифатдин кьеле тир.
Камал, акьул, ирс авай,
Чанда гужлу гьисс авай.

Куьн Алпандин невяер
Я экьечIдай кеверай,
Куь суфрадик - берекаат
Хьурай, руьгьдик - гьерекаат.

Арбен КЪАРДАШ САДВАЛ

Садвал! Садвал!
Чи риклерин эвер я!
Садвал! Садвал!
Чи уьмуьрдин сегьер я!

Сад хуьхь! Сад хуьхь!
Тагькимзава чаз бубайрин сураи.
Сад хуьхь! Сад хуьхь!
Лугьузза чаз аранрини дагьлари.

Самур дере, Куьре, Шагьдагь,
Кьуба, КцIар ишигьлаван -
Чи бубайрин са чил я сагь,
Ивидалди ишаннавай.

Ахцагь СВЕТА

Гьар са ккIал хуш я заз ви чилерин.
Гьар са нехиш цава авай циферин.
Лап сагьвал хьиз, заз Ахцегьар багьа я.
Зи Ахцегьар аламатдин суфра я.

Ви яд хьвана, жегьилвилев ахцIана,
Ви гьавади, зав мад кьуват вахкана,
ГьикI зун къвазрай гила шаир тахьана?
Зун ви руш я, вал ашукь руш, Ахцегьар!

РикI шехьдайла, накьвар элкьез булахдиз,
Мад къабудла вуна зун ви къужахдиз.
За дериндай икрамда гьар къвахдиз,
Ви чилеллай, зи играми Ахцегьар.




Гъажидин рикI хьана хьи дар,
Дагьустандихъ ийиз ялвар,
Гъайиф, Бакуда феи кьар,
ХупI гуьзел ватан я и хуьр.

Шагьбала ШАГЪБАЛАЕВ



Кьилиз фирай мурадар,
Дуствал аваз арада.
Кьилелни цав алахьай,
Яшамишрай Ахцагьар

Абдулрашид РАШИДОВ



Дагьвийрин бед макан я вун,
Игитрин мерд ватан я вун.
Чешнедин са нур Ахцегьар
Халкъдин уьмуьр гур, Ахцегьар.

Лезгистанда алим хуьр яз,
Машгур я вун муаллим хуьр яз.
Шарвилидин ала вал экв,
Гележегдиз гегьенш я рехь.

Фейзудин НАГЪБИЕВ



Кьадим Ахцегь, Тури шегьер,
Алупандин юкъва авай,
Шад я валди лезги эллер
Шарвилидин арха авай.

Шумуд шарвал, шумуд бег-хан
Ви чилерал дигиш хьана.
На квадратнач касвал жуван,
Вун ажуз яз вердиш хьанач.

Шумуд тереф дамах ава
Ахцегь ичер, цуьквер сувар.
Вахъ камалдин булаха ава
Шаиррик кутаз лувар.

Шагьдагь, Шалбуз - паклу пирер,
Ви чилелла ахни эдеб.
Вун сундух я хуьзвай сирер,
Шарвилидин несилдин кьиб.

Ви райондин кIуд цуд йис -
Са легьзе я ам тарихда.
Гурлу хуьй ви гьар са межлис -
Чна вакай мад тарифда!

Майрудин БАБАХАНОВ



КЪВЕ АХЦЕГЪАР

Къве Ахцегьар акуна заз:
Келез хиве куьрс хьанва сад,
Шарвилидин чанта хьиз;
Дуьзендалла муькуьди,
Арадалла Шалбуздинни Китиндин,
Шахматрин дуьз тахта хьиз.
Гьи патлахъ вил вегьейтани муькьвер я.
Икьван муькьвер авай халкъдиз та-
хьана,
Бес дуствал низ багьа хуьй?!
Зун гьамамрал атанва,
Ахтармишиз хайи чилин чимивал.
Са сеферда, якьин я,
И девирдиз атай сада гьарайда:
- Деринравай ядни икьван чими тир,
РикIер гьикьван чими ятIа
И чилеллай рухвайрин!

Щийи дуьнья

(Новый мир)

Учредитель:

Администрация
Ахтынского района
Республики Дагестан
Главный редактор
Д.Ш.ШЕРИФАЛИЕВ

Газета перерегистрирована Управлением федеральной службы по надзору в сфере связи, информационных технологий и массовых коммуникаций по РД 22 января 2019 г. Регистрационный номер ПИ № ТУ 05-00401.

Позиция редакции может не совпадать с точкой зрения авторов, которые несут ответственность за достоверность и объективность предоставленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Адрес редакции и издателя:
**368730, РД, Ахтынский район,
с. Ахты, ул.Герейханова, д.33.**

Телефон главного редактора
8(988)-654-59-49

Электронная почта газеты:
newworld1928@mail.ru

ИНДЕКС 63312

Газета «Новый мир» сверстана и отпечатана в ООО «Типография-М» по адресу: г.Дербент, ул.С.Курбанова, 25. Электронная версия газеты на сайте www.akhty.ru

По вопросам качества печати обращаться в типографию ООО «Типография-М»
Время подписания в печать по графику 14.00.
Подписано в печать 14:00
Газета выходит 52 раза в год.
Тираж 1500 экз. Заказ №